


詩所

四之五

鼓吹曲辭
橫吹曲辭



漢書門類			
二	八	一	一
四	〇	二	二
冊	函	七	七

內閣文庫			
三	一	漢	
九	一	書	
函	二		
一	四		
七	冊		
架	七		
	號		
	類		

內閣文庫		
番號	漢 11117	
冊數	24 (5)	
函號	319	128



詩所第四卷

樂府

鼓吹曲辭

漢鏡歌

十入曲短簫鏡歌軍樂也黃帝使岐伯作所

捷則令凱樂漢樂有黃門鼓吹天子以宴樂羣臣

短簫鏡歌鼓吹之一章爾

朱鷺魚以烏路訾邪鷺何食食茄下不之食不以吐將

以問誅一作者

思悲翁

思悲翁唐思奪我美人侵以遇悲翁也但我思蓬首一作

蕞狗逐狡兔食交君臯子五臯母六拉沓高飛暮安宿

漢草文庫

艾如張

艾而張羅夷於何行成之四時和山出黃雀亦有羅雀
以高飛奈雀何為此倚欲誰肯矇室

上之回

武帝元封四年冬十月行幸雍祠五時通
回中道遂北出蕭關

上之回所中益夏將至行將北以承甘泉宮寒暑德游
石關望諸國月支臣匈奴服令從百官疾驅馳千秋萬
歲樂無極

翁離

一曰擁離又曰雍離

擁離趾中可築室何用葺之蕙用蘭擁離趾中

戰城南

戰城南死郭北野死不葬烏可食為我謂烏且為客豪
野一 諒不葬腐肉安能去子逃水深激激蒲葦冥冥梟
騎一 鬪死驚馬徘徊鳴梁築室何以南何以一作北禾
黍不一作獲君何食願為忠臣一作可得思子良臣良臣
誠可思朝行出攻暮不夜歸

巫山高

巫山高高以大淮水深難以逝我欲東歸害梁不為我
集無高曳水何深湯湯回回臨水遠望泣下沾衣遠道
之人心思歸謂之何

上陵

上陵何美美下津風以寒問客從何來言從水中央桂
樹為君船青絲為君竿木蘭為君權黃金錯其間滄海
之雀赤翅鴻白鴈隨山林乍開乍合曾不知日月明醴
泉之水光澤何蔚蔚芝為車龍為馬覽遨遊四海外甘
露初二年芝生銅池中仙人下來飲延壽千萬歲

將進酒

將進酒乘太白辨佳一作哉詩審搏一作放故歌心所
作同陰氣詩悉索使禹良工觀者苦

君馬黃

君馬黃臣馬蒼一馬同逐臣馬良易之有驪蔡有赭美

人歸以南駕車馳馬美人傷我心佳人歸以北駕車馳
馬佳人安終極

芳樹

芳樹日月君亂如於風芳樹不上無心溫而鵠三而為
行臨蘭池心中懷我悵心不可匡目不可顧妬人之子
愁一作殺人君有他心樂不可禁王將何似一作如孫
如魚乎悲矣

有所思 一日嗟佳人

有所思乃在大海南何用問遺君雙珠玳瑁簪用玉紹
繚之聞君有他心拉雜摧燒之摧燒之當風揚其灰從

今已往勿復相思相思與君絕鷄鳴狗吠兄嫂當知之
妃呼豨秋風蕭蕭晨風颯東方須臾高知之

雉子班

雉子班如此之干雉梁無以吾翁孺雉子知得雉子高
蜚止黃鵠蜚之以重一作千里王可思雄來蜚從雌視子趨

一雉雉子車大駕馬騰一作滕被王送行所中堯羊蜚從

王孫行

聖人出

聖人出陰陽和美人出遊九河佳人來駢離哉何駕六
飛龍四時和君之臣明護不道美人哉宜天子免甘星

巫一作筮樂甫始美人子舍四海

上邪一曰上雅

上邪我欲與君相知長命無絕衰山無陵江水為竭冬
雷震震夏雨雪天地合乃敢與君絕

臨高臺

臨高臺以軒下有清水清且寒江有香草日以蘭黃鵠
高飛離哉翻關弓射鵠令我主壽萬年收中吾

遠如期一曰遠期

遠如期益如壽處天左側大樂萬歲與天無極雅樂陳
佳哉紛單于自歸動如驚心虞心大佳萬人還來謁者

引鄉殿陳累世未嘗聞之增壽萬年亦誠哉

石流 一曰石留

石流 一作涼陽涼石水流為沙錫以微河為香向始谿

一作蘇冷將風陽北逝肯無敢與于揚心邪懷蘭志金安

薄北方開留離蘭

擬漢鏡歌

朱鷺

梁王僧孺

因風弄玉水映日上金堤猶持畏羅繳未得異鳥鷺聞
君愛白雉兼因重碧鷄未能聲似鳳聊變色如珪願識
昆明路乘流飲復棲

前題

裴憲伯

秋來懼寒勁歲去畏冰堅羣飛向葭下奮羽欲南遷暫
戲龍池側時往鳳樓前斯歎恩光歇不得久聯翩

前題

陳後主

參差蒲未齊沈漾若浮綠朱鷺戲蘋藻徘徊流澗曲澗
曲多巖樹逶迤復斷續振振雖以明湯湯今又矚

前題

張正見

金堤有朱鷺刷羽望滄瀛周詩振雅曲漢鼓發竒聲時
將赤鴈並乍逐彩鸞行別有翻潮處異色不相驚

前題

蘇子卿

玉山一朱鷺萬里

一作容與

入王畿欲向天池飲還遶上林

飛金堤曬羽翮丹水浴毛衣非貪葭下食懷恩自遠歸

艾如張

陳蘇子卿

誰在閒門外羅家諸少年張機蓬艾側結網槿籬邊若能飛自勉豈為繒所纏黃雀儻為誠朱絲猶可延

上之回

梁簡文帝

前旆拂回中後車臨桂宮輕絲駐雲罕春色繞川風桃林方灼灼柳路日曛曛笳聲駭胡騎清磬警山戎微臣今拜手願帝永無窮

前題

陳張正見

林光稱避暑回中乃吉行龍媒躡影駛玉輦御雲輕風鳥繞鳩鵲綵鷓照昆明欲知鍾箭遠遙聽寶鷄聲

前題

一作巡省

北齊蕭愨

發軔城西時回輿事北遊山寒石道凍葉下故宮秋朔路傳清警邊風卷畫旒歲餘巡省畢擁仗一作按節返皇州

前題

隋陳子良

承平重遊樂詔蹕上之回屬車響流水清笳轉落梅嶺雲蓋道轉巖花映綬開下輦便高宴何如在瑤臺

戰城南

三首第二首一作胡無人

梁吳均

蹀躞青驪馬往戰城南畿五歷魚麗陣三入九重圍名

懼武安將血汗秦王衣為君意氣重無功終不歸

前有濁樽酒一作酒尊憂思亂紛紛小來一作少年重意氣學劍

不學文忽值胡關靜匈奴遂兩分天山已半出龍城無

片雲漢世平如此何用李將軍

陌上何誼誼匈奴圍塞垣黑雲藏趙樹黃塵埋隴垠天

子羽書勞將軍在玉門

前題

陳張正見

薊北馳胡騎城南接短兵雲屯兩陣合劍聚七星明旗
交無復影角憤有餘聲戰罷披軍策還嗟李少卿

巫山高

齊王融

想像一作髮髯巫山高薄暮陽臺曲煙霞一作華乍舒卷蘅一作

行芳自斷續彼美如可期寤言紛在矚憮然坐相思一作

型秋風下庭綠煙霞二句一作煙雲乍卷舒猿鳥時斷續

前題

劉繪

高唐與巫山參差鬱相望灼爍在雲間氛氲出霞一作雲
上散雨收夕臺行雲卷晨障出沒不易期嬋娟以一作似

惆悵

前題

梁元帝

巫山高不窮迴出荆門中灘聲下濺石猿鳴上逐風樹
雜山如畫林暗澗疑空無因謝神女一為出房櫳

前題

虞羲

南國多奇山荆巫獨靈異雲雨麗以佳陽臺千里思勿
言可再得特美君王意高唐一斷絕光陰不可遲

前題

范雲

巫山高不極白日隱光輝靄靄朝雲去冥冥暮雨歸巖
懸獸無跡林暗鳥疑一作驚飛枕席竟誰薦相望空一作徒
依依

前題

費昶

巫山光欲晚一作曉陽臺色依依彼美巖之曲寧知心是
非朝雲觸石起暮雨潤羅衣願解千金珮請逐大王歸

前題

王泰

迢遞巫山竦遠天新霽時樹交涼去遠草合影開遲谷
深流響咽峽近猿聲悲只言雲雨狀自有神仙期

前題

陳後王

巫山巫峽深峭壁聳春林風巖朝蓋落霧嶺晚猿吟雲
來足蘂枕雨過非感琴仙姬將夜月度影自浮沈

前題

蕭詮

巫山映巫峽高高殊未窮猿聲不辨處雨色詎分空懸
崖下桂月深澗響松風別有仙雲起時向楚王宮

前題

隋李孝貞

荆門對巫峽雲夢邇陽臺燎火如奔電墜石似驚雷天
寒秋水急風靜夜猿哀枕席無由薦朝雲徒去來

將進酒

梁昭明太子統

洛陽輕薄子長安遊俠兒宜城溢礫盃中山浮羽卮

君馬黃

陳蔡君知

君馬經西極臣馬出東方策舉

一作足策

浮雲影珂連明月

光水凍恒傷骨蹄寒為踐霜躊躇嗟伏櫪空想欲從良

前題

二首

張正見

幽并重騎射征馬正盤桓風去嘶聲

一作長嘶

遠冰堅度足

寒出關聊變色上坂屢停鞍即今隨御史非復在樓蘭

五色乘馬黃追風時滅沒血汗染龍花胡鞍抱秋月唯
騰渥洼水不飲長城窟詎待燕昭王千金市駿骨

芳樹

齊謝朓

早翫華池陰復影

一作鼓

滄洲柅椅柅芳若斯歲蕤紛可

結霜下桂枝銷怨與飛蓬折不廁玉盤滋誰憐終委絕

前題

王融

相望早春日煙華雜如霧復此佳麗人含情結芳樹綺
羅已自憐萱風多有趣去來徘徊者佳人不可遇

前題

梁武帝

綠樹始搖芳芳生非一葉一葉度春風芳華

一作芳

自相

接雜色亂參差衆花紛重疊重疊不可思思此誰能愜

前題

元帝

芬芳君子樹交柯御宿園桂影含秋月一作桃花染春

源落英逐風聚輕香帶葢翻叢枝臨北閣灌木隱南軒

交讓良宜重成蹊何用言

前題

費昶

幸被夕風吹屢得朝光照枝低一作疑欲舞花開似含

笑長夜路悠悠所思不可召行人早旋返賤妾猶年作

猶年

前題

沈約

發萼九華隈開跗寒露一作側氤氳非一香參差多異

色宿昔寒飈舉摧殘不可識霜雪交橫至對之長歎息

前題

丘遲

芳葉已漠漠嘉實復離離發景傍雲屋凝暉覆華池輕
蜂掇浮穎弱鳥隱深枝一朝容色茂千春長不移

前題

陳李爽

芳樹千株發搖蕩三陽時氣軟來風易枝繁度鳥遲春
至花如錦夏近葉成帷欲寄邊城客路遠詎一作能持

前題

顧野王

上林通建章雜樹遍林芳日影桃蹊色風吹梅逕香幽

山桂葉落馳道柳條長折榮疑路遠用表莫相忘

前題

張正見

奇樹舒春苑流芳入綺錢合歡分四照同心影一作萬

年香浮佳氣裏葉映彩雲前欲識楊雄賦金玉滿甘泉

前題

江總

朝霞映日殊未妍珊瑚照水定非鮮千葉芙蓉詎相似

百枝燈花復羞然暫欲寄根對滄海大願移華側綺錢

井上桃蟲誰可雜庭中桂蠹豈見憐

有所思

齊謝朓

佳期期未歸望望下鳴機徘徊東陌上月出行人稀

前題

劉繪

別離安可再而我更重之佳人不相見明月空在帷共

御一作銜滿堂酌獨歛向隅眉中心亂如雪寧知有所思

前題

梁武帝

誰言生離久適意與君別衣上芳猶在握裏書未滅腰

間雙綺帶夢為同心結常恐所思露瑤華未忍折

前題

簡文帝

昔未離長信金翠奉乘輿何言人事異夙昔故恩疎寂

寞錦筵靜玲瓏玉殿虛掩閨泣團扇羅幌詠靡蕪

可歎不可思可思不可見餘絃斷瑟柱殘朱染歌扇

寂寂暮檐響黯黯垂簾色唯有甌甌苔如見蜘蛛織
入林看碯礪春至定無賒何時一可見更得似梅花

前題

昭明太子統

公子

一作佳人

遠于隔乃在天一方望望江山阻悠悠道路

長別前秋葉落別後春花芳雷歎一聲響雨淚忽成行
悵望情無極傾心還自傷

前題

范雲

如何有所思而無相見時宿昔夢顏色階庭尋履綦高
張更何已引滿終自持欲知憂能老為視鏡中絲

前題

王筠

丹墀生細草紫殿納輕陰曖曖巫山遠悠悠湘水深徒

歌鹿盧劍空貽玳瑁簪望君終不見屑淚且長

一作吟

前題

庾肩吾

佳期竟

一作奇

不歸春日坐芳菲拂匣看離鏡

一作扇

開箱

見別衣井梧生未合宮槐卷復稀不及銜泥燕從來相
逐飛

前題

王僧孺

夜風吹熠燿朝光照昔耶

一作碎邪

幾銷蕨蕪葉空落蒲桃

一作

花不堪長織素誰能獨浣沙光陰復何極望促反

成賒知君自蕩子奈妾亦倡家

前題

吳均

薄暮有所思終持淚煎骨春風驚我心秋露傷君髮

前題

沈約

西征登隴首東望不見家關樹抽紫葉寒草發青芽
明當欲滿蒲萄應作花垂淚對漢使因書寄狹斜

前題

費昶

上林鳥欲栖一作鳥欲飛長門日行一作將暮所思鬱不見空
想丹墀步簾動意君來雷聲似車度北方佳麗子窈窕
能迴顧夫君自迷惑非為妾心妬

前題

陳後主

蕩子好蘭期留人獨自思落花同淚臉初月似愁眉階
前看草蔓牕中對網絲不言千里別一作望復是三春時
杳杳與人期遙遙有所思山川千里間風月兩邊時相
對一作待春那劇相望景一作近偏遲當由分別久夢來還
自疑

佳人在北燕相望渭橋邊團團落日樹耿耿曙河天愁
多明月下淚盡鴈行前別心不可寄惟餘琴上絃

前題

顧野王

賤妾有所思良人久征戍笳鳴塞城一作胡塞表花開落芳
樹白登澄月色黃龍起烟霧還聞雉子斑非復長征賦

前題

張正見

深閨久離別積怨轉生愁徒思裂帛鴈空上望歸樓看
花憶塞草對月想邊秋相思日日度一作暮淚臉年年流

前題

陸系

別念限城闈還思樓上人淚想離前落愁聞別後新月
來疑舞扇花度憶歌塵只看今夜裏那似隔河津

前題

北齊裴讓之

夢中雖暫見及覺始知非展轉不能寐徒倚獨披衣悽
悽曉風急晻晻月光微室空常達旦所思終不歸

前題

隋盧思道

長門與長信憂思竝難任洞房明月下空庭綠草深怨

歌裁潔

一作統

素能賦受黃金復聞隔湘水猶言限桂林

淒淒日已暮誰見此時心

雉子斑

梁吳均

可憐雉子斑羣飛集野甸文章始陸離意氣已驚狷幽
并遊俠子直心亦如箭生死一作死節報君恩誰能孤

恩眄

前題

陳後主

四野秋原暗十步啄方前雉聲風處遠翅影雲間連箭
射妖姬笑裘值盛明然已足南皮賞復會北宮篇

鼓吹曲辭

卷四

十四

前題

張正見

陳倉雉未飛歛翮依芳甸
朱冠色尚淺錦臆毛初變
雉麥且專場排花聊勇戰
唯當渡弱水不怯如臯箭

前題

毛處約

春物始芳非春雉正相追
澗響連朝雉花光帶錦衣
竄跡時移影驚媒或亂飛
能使如臯路相逢巧笑歸

前題

江總

麥壘新秋來澤雉屢徘徊
依花似協妬拂草乍驚媒
三春桃照李二月柳爭梅
暫往如臯路當令巧笑開

臨高臺

魏文帝

臨臺行高高以軒下有水清且寒
中有黃鵠往且翻解一
行為臣當盡忠願令一作皇帝陛下三千歲
宜居此宮解二鵠欲南遊雌不能隨
我欲躬銜汝口噤不能開欲負之
毛衣摧頽五里一顧六里徘徊三解
鵠欲南遊以下同古辭飛鵠行

前題

齊謝朓

千里常思歸登臺臨綺翼纔見孤鳥還
未辨連山極四面動清一作春風
朝夜起寒色誰知倦遊者嗟此故鄉憶

前題

王融

遊人欲騁望積步上高臺
井蓮當夏吐牕桂逐秋開
花飛低不入鳥散遠時來
還看雲棟一作影含月共徘徊

前題

一作簡文帝

梁武帝

高臺半行雲望望高不極草樹無參差山河同一色
髯洛陽道道遠難別識玉階故情人情來共相憶

前題

沈約

高臺不可望望遠使人愁連山無斷絕一作續河水復悠悠
所思竟一作慢何在洛陽南陌頭可望不可見一作至何
用解人憂

前題

陳後主

晚景登高臺迴一作迴望春光來霧濃山後暗日落雲傍
開煙裏看鴻小風來望葉回臨牕已響吹極眺且傾杯

前題

張正見

層臺邈清漢出迥架重棼飛棟臨黃鶴高牕度白雲風
前朱幌一作幔色霞處綺疏分此中多怨曲地遠詎能聞

前題

北齊蕭愨

崇臺高百尺迥出望仙宮畫棋浮朝一作雲氣飛梁照晚
虹小衫飄霧縠艷粉拂輕紅笙吹汶陽篠琴奏嶧山桐
舞逐飛龍引花隨少女風臨春今若此極宴豈無窮

遠期

梁張率

遠期終不歸節物坐將一作遷變白露愴一作濕單衣一作樓
秋風息團扇誰能久別離一作離別他鄉且異縣浮雲蔽重

鼓吹曲辭

卷四

十六

山相望何時見寄言遠期者空閨淚如霰

前題

庾成師

憶別春花飛已見秋葉稀淚粉羞明鏡愁帶減寬衣得
書言未反夢見道應歸坐使紅顏歇獨掩青樓扉

玄雲

梁張率

壞陣壓峨壘遮牕暗思屏映日斜生海跨樹似鵬飛夢
山妾已去落靨何由歸

釣竿

釣竿者伯常子避仇河濱為漁者其妾思之
可作也每至河側輒歌之後司馬相如作釣
竿詩遂傳為樂曲其辭亡

魏文帝

東越河濟水遙望大海涯釣竿何珊珊魚尾何篸篸行

路之好者芳餌欲何為

前題

梁沈約

桂舟既容與綠浦復回紆輕絲動弱芰微楫起單鳧扣
舷忘日暮卒歲以為娛

前題

戴嵩

試持玄渚釣暫罷池陽獵翠羽飾長綸藻花裝小牒鈎
利斷蓴絲帆舉牽菱葉聊載前魚童還看後舟妾

前題

一作劉孝威

劉孝綽

釣舟畫彩鷁漁子服冰紈金轄茱萸網銀鈎翡翠竿
欵橈隨水脉急槳渡江湍湍長自不辭前浦有佳期船交

橈

一作棹

影合浦深魚出遲荷根時觸餌菱芒乍罾絲蓮

度江南手衣渝京兆眉垂竿自有

一作來

樂誰能為太師

前題

陳張正見

結宇長江側垂釣廣川潯竹竿橫翡翠桂髓擲黃金人
來水鳥沒檝度岸花沈蓮搖見魚近綸盡覺潭深渭水
終須卜滄浪徒自吟空嗟芳餌下獨見有貪心

前題

隋李巨仁

潺湲面江海滉瀟波瀾不惜黃金餌唯憐翡翠竿斜
綸控急水定檝下飛湍潭迴風來易川長霧歇難寄言
朝市客滄浪余自安

魏鼓吹曲

文帝使繆襲造鼓吹十二曲以代漢曲

楚之平

一曰初之平改漢朱鷺言魏也

楚之平義兵征神武奮金鼓鳴邁武德揚洪名漢室微
社稷傾皇道失桓與靈闈官熾羣雄爭邊韓起亂金城
中國擾無紀經赫武皇起旗旌麾天下天下平濟九州
九州寧剗武功武功成越五帝邈三王興禮樂定紀綱
普日月齊輝光

戰榮陽

改漢思悲翁言曹公也

戰榮陽汴水陂戎士憤怒貫甲馳陣未成退徐榮二萬
騎塹壘平戎馬傷六軍驚勢不集衆幾傾白日沒時晦

吳顧中牟心屏營內盟疑計無成賴我武皇萬國寧

獲呂布

改漢艾如張言曹公東圍臨淮生擒呂布也

獲呂布戮陳宮芟夷鯨鯢驅騁羣雄囊括天下運掌中

克官渡

改漢上之回言曹公與袁紹戰破之於官渡也

克紹官渡由白馬僵屍流血被原野賊衆如犬羊王師尚寡沙埽傍風飛揚轉戰不利士卒傷今日不勝後何望土山地道不可當卒勝大捷震冀方屠城破邑神武遂章

舊邦

改漢翁離言曹公勝袁紹還譙收藏死亡士卒也

舊邦蕭條心傷悲孤魂翩翩當何依遊士戀故涕如摧

兵起事大令願違傳求親戚在者誰立廟置後鬼來歸

定武功

改漢戰城南言曹公初破鄴城武功之定始乎此也

定武功濟黃河河水湯湯且暮有橫流波袁氏欲衰兇弟尋干戈決漳水水流滂沱嗟城中如流魚誰能復顧室家計窮慮盡求來連和和不時心中憂戚賊衆內潰君臣奔北拔鄴城奄有魏國王業艱難覽觀古今可爲長歎

屠柳城

改漢巫山高言曹公越北塞歷白檀破三郡烏桓於柳城也

屠柳城功誠難越度隴塞路漫漫北踰岡平但聞悲風正發蹋頓授首遂登白狼山神武懋海外永無北顧患

平南荆 改漢上陵言曹公南平荆州也

南荆何遼遼江漢濁不清菁茅久不貢王師赫南征劉
琮據襄陽賊備屯樊城六軍廬新野金鼓震天庭劉子
面縛至武皇許其成許與其成一無許與其成字撫其民陶陶
江漢間普為大魏臣大魏臣向風思自新思自新齊功
古人在昔虞與唐大魏得與均多選忠義士為喉脣天
下一定萬世無風塵

平關中 改漢將進泗言曹公征馬超定關中也

平關中路向潼濟濁水立高墻關韓馬離羣凶選驍騎
縱兩翼虜崩潰級萬億

應帝期 改漢有所思言文帝以聖德受命應運

應帝期於昭我文皇歷數承天序龍飛自許昌聰明昭
四表恩德動遐方星辰為垂耀日月為重光河洛吐符
瑞草木挺嘉祥麒麟步郊野黃龍游津梁白虎依山林
鳳凰鳴高岡考圖定篇籍功配上古義皇義皇無遺文
仁聖相因循期運三千歲一生聖明君堯授舜萬國萬
國皆附親四門為穆穆教化常如神大魏興聖一作與盛
之為鄰

邕熙 改漢芳樹言魏氏臨其國君臣邕穆庶績咸熙也

邕熙君臣念德天下治登帝道獲瑞寶頌聲並作洋洋

浩浩吉日臨高堂置酒列名倡歌聲一何紆餘雜笙簧
八音諧有紀綱子孫永建萬國壽考樂無央

太和

改漢上邪言明帝繼體承統太和改元德澤流布也

惟太和元年皇帝踐祚聖且仁德澤為流布災蝗一時
為絕息上天時雨露五穀滋一作溢田疇四民相率遵軌
度事務激清天下獄訟察以情元首明魏家如此那得
不太平

吳鼓吹曲

孫休時韋昭上鼓吹十二曲

炎精缺

當漢末驚言漢室衰孫堅奮迅猛志念在匡救王迹始乎此也

炎精缺漢道微皇綱弛政德違眾姦熾民罔依赫武烈

越龍飛陟天衢耀靈威鳴雷鼓抗電麾撫乾衡鎮地機
厲虎旅騁熊羆發神聽吐英奇張角破邊韓羈宛賴平
南土綏神武章渥澤施金聲震仁風馳顯高門啓皇基
統罔極垂將來

漢之季

當漢思悲翁言孫堅悼漢之微痛董卓之亂與兵奮擊功蓋海內也

漢之季董卓亂栢栢武烈應時運義兵興雲旗建厲六
師羅八陣飛鳴鏑接白刃輕騎發介士奮醜虜震使衆
散劫漢主遷西館雄豪怒元惡僨赫赫皇祖功名聞

攄武師

當漢艾如張言孫權卒父之業而征伐也

攄武師斬黃祖攘一作攬

夷凶族革平西夏炎炎大烈震

天下

伐烏林

當漢上之回言魏武既破荊州順流東下欲來爭鋒孫權逆擊之於烏林而破走也

曹操北伐拔柳城燉勝席捲遂南征劉氏不睦八郡震驚衆既降操屠荆舟車十萬揚風聲議者狐疑慮無成賴我大皇發聖明虎臣雄烈周與程破操烏林顯章功名

秋風

當漢擁離言孫權悅以使民民忘其死也

秋風揚沙塵寒露沾衣裳角弓持弦急鳩鳥化為鷹邊垂飛羽檄寇賊侵界疆跨馬披介冑慷慨懷悲傷辭親向長路安知存與亡窮達固有分志士思立功思立功

邀之戰場身逸獲高賞身沒有遺封

克皖城

當漢戰城南言魏武志圖并兼今朱光為廬江太守孫權親征光破之於皖城也

克滅皖城遏寇賊惡此凶孽阻姦慝王師赫征衆傾覆除穢去暴戢兵革民得就農邊境息誅君弔民昭至德

關背德

當漢巫山高言蜀將關羽背弃吳德心懷不軌孫權引師浮江而擒之也

關背德作鴟張割我邑城圖不祥稱兵北伐圍樊襄陽嗟臂大於股將受其殃巍巍夫聖主睿德與玄通與玄通親任呂蒙泛舟洪汜池溯涉長江神武一何桓桓聲烈正與風翔歷撫江安城大據郢邦虜羽授首百蠻咸來同盛哉無比隆

通荆門

當漢上陵言孫權與蜀交好齊盟中有關羽自失之譽戎蠻樂亂生變作患蜀疑其眩吳惡其詐乃大治兵終復初好也

荆門限巫山高峻與雲連蠻夷阻其險歷世懷不賓漢王據蜀郡崇好結和親乖微中情疑讒夫亂其間大皇赫斯怒虎臣勇氣震蕩滌幽藪討不恭觀兵揚炎耀厲鋒整封疆整封疆闡揚威武容功赫戲洪烈炳章邈矣帝皇世聖吳同厥風荒裔望清化化恢弘煌煌大吳延祚永未央

章洪德

當漢將進酒言孫權章其大德而遠方來附也

章洪德邁威神感殊風懷遠鄰平南裔齊海濱越裳貢

扶南臣珍貨克庭所見日新

從歷數

當漢有所思言孫權從圖錄之符而建大號也

從歷數於穆我皇帝聖哲受之天神明表奇異建號創皇基聰睿協神思德澤浸及昆蟲浩蕩越前代三光顯精耀陰陽稱至治肉角步郊畛鳳凰棲靈囿神龜游沼池圖讖摹文字黃龍覲鱗符祥日月記覽往以察今我皇多噲事上欽昊天象下副萬姓意光被彌蒼生家戶蒙惠賚風教肅以平頌聲章嘉喜大吳興隆綽有餘裕承天命

承天命

當漢芳樹言以聖德踐位道化至盛也

承天命於昭聖德三精垂象符靈表德巨石立九穗植

龍金其鱗烏赤其色與人歌億夫歎息超龍升襲帝服
躬淳懿體玄嘿夙興臨朝勞謙日昃易簡以崇仁放遠
讒與愚舉賢才親近有德均田疇茂稼稽審法令定品
式考功能明黜陟人思自盡唯心與力家國治王道直
思我帝皇壽萬億長保天祿祚無極

玄化

當漢上邪言修文訓武則天而行仁澤流洽天下喜樂也

玄化象以天陛下聖真張皇綱率道以安民惠澤宣流
而雲布上下睦親君臣酣宴樂激發弦歌揚妙新修文
壽廟勝須時備駕巡洛津康哉泰四海歡欣越與三五
鄰

晉鼓吹曲

武帝令傅玄製鼓吹曲二十二篇以代魏

靈之祥

當朱鷺言宣帝佐魏猶虞舜事堯既有石瑞之徵又能用武以誅孟達之逆命也

靈之祥石瑞章旌金德出西方天降命授宣皇應期運
時龍驤繼大舜佐陶唐讚武文建帝綱孟氏叛據南疆
追有扈亂五常吳寇勁蜀虜疆交誓盟連遐荒宣赫怒
奮鷹揚震乾威曜電光陵九天陷石城梟逆命拯有生
萬國安四海寧

宣受命

當思悲翁言宣帝禦諸葛亮養威重運神兵亮震怖而死也

宣受命應天機風雲時動神龍飛禦諸葛鎮雍梁邊境
安夷夏一作民夷康務節事勤定傾攬英雄保持盈淵穆穆

赫明明冲而泰天之經養威重運神兵亮乃震斃一作死

天下一有寧安字

征遼東當艾而張言宣帝陵大海之表討滅公孫淵而梟其首也

征遼東敵失據威靈邁日域公孫公孫一作淵既授首羣逆

破膽咸震怖朔北響應海表景附武功赫赫德雲布

宣輔政當上之回言宣帝聖道深遠撥亂反正網羅文武之才以定二儀之序也

宣皇輔政聖烈深撥亂反正順天心網羅文武才慎厥

所生所生賢遺教施安上治民化風移肇創一作造帝基

洪業垂於鑠明明時赫戲功濟萬世定二儀定二儀雲

行一作澤雨施海外風馳

時運多難能當擁離言宣帝致討吳方有征無戰也

時運多難道教痛天地變化有盈虛蠢爾吳蠻虎視江

湖我皇赫斯致天誅有征無戰弭其圖天威橫被廓東

隅

景龍飛當戰城南言景帝克明威教賞從夷逆祚隆無疆崇此洪基也

景龍飛御天威聰鑒玄察動與神明協機從之者顯逆

之者滅夷文教敷武功巍普被四海萬邦望風莫不來

綏聖德潛斷先天弗違弗違祥享世永長猛以致寬道

化光赫明明祚隆無疆帝績惟期有命既集崇此洪基

平玉衡當巫山高言景帝一萬國之殊風齊四海之垂心禮賢養士而纂洪業也



平玉衡紉姦回萬國殊風四海垂禮賢養士羈御英雄
思心齊纂戎洪業崇皇階品物咸亨聖敬日躋聰鑒盡
下情明明綜天機

文皇統百揆當上陵言文帝始統百揆用人有序以敷太平之化也

文皇統百揆繼天理萬方武將鎮四隅一作寓英佐盈朝

堂謀言協秋蘭清風發其芳洪澤所漸潤礫石為挂璋

大道謀五帝盛德踰三王咸光大上參天與地至化無

內外無內外六合並康乂並康乂邁茲嘉會在昔羲與

農大晉德斯邁鎮征及諸州為蕃衛玄功濟四海洪烈

流萬世

因時運當將進邁言文帝因時運變以武濟文而邁其德也

因時運聖策施長蛇交解羣桀離勢窮奔吳虎騎厲惟

武進審大計時邁其德清一世

惟庸蜀當有所思言文帝既平蜀封建萬國復五等之爵也

惟庸蜀僭號天一隅劉備逆帝命禪亮承其餘擁眾數

十萬闕隙承我虛驛騎進羽檄天下不遑居姜維屢寇

邊隴上為荒蕪一作墟文皇愍斯民歷世受罪辜外謨藩

屏臣內謀眾士夫爪牙應指授腹心一有獻良圖良圖

協成文大一作乃興百萬軍雷鼓震地起猛勢陵浮雲逋

虜畏天誅面縛造壘門萬里同風教逆命稱妾臣光建

五等紀綱天人

天序

當芳樹言聖皇應歷受禪弘濟大化用人各盡其才也

天序歷應受禪承靈祐御羣龍勒螭虎弘濟大化英雋
作輔明明統萬機赫赫鎮四方咎繇稷契之疇協蘭芳
禮王臣覆兆民化之如天與地誰敢愛其身

大晉承運期

當上邪言聖皇應錄受圖化象神明也

大晉承運期德隆聖皇時清晏白日垂光應錄圖陟帝
位繼天正玉衡化行象神明至哉道隆虞與唐元首敷
洪化百寮股肱並忠良民太康隆隆赫赫福祚盈無疆

金靈運

當君馬黃言聖皇踐祚致敬宗廟而孝道行於天下也

金靈運天符發聖徵見參日月惟我皇體神聖受

應天命皇之興靈有徵登大麓御萬乘皇之輔若闕

一作

虺虎爪牙奮莫之禦皇之佐讚清化百事理萬邦賀神

祇應嘉瑞章恭享禮

一作祀

薦先皇樂時奏磬管鏘鼓淵

淵鐘鏗鏗奠樽俎實玉觴神歆饗咸悅康宴孫子祐無

疆大孝烝烝德教被萬方

於穆我皇

當雉子班言聖皇受命德合神明也

於穆我皇盛德聖且明受禪君世光濟羣生普天率土
莫不來庭颺颺六合內望風仰泰清萬國雍雍興頌聲
大化洽地平而天成七政齊玉衡惟平峨峨佐命濟濟

羣英夙夜乾乾萬機是經雖治興匪荒寧謙道光冲不
盈天地合德日月同榮赫赫煌煌曜幽冥三光克從於
顯天垂景星龍鳳臻甘露宵零肅神祇祇上靈萬物欣
戴自天效其成

仲春振旅

當聖人出言大晉申文武之教收獵以時也

仲春振旅大致民武教於時日新師執提工執鼓坐作
從一作起節有序盛矣允文允武蒐田表禡申法誓遂圍
禁獻社祭允以時明國制文武並用禮之經列車如戰
大教明古今誰能去兵大晉繼天濟羣生

夏苗田

當臨高臺言大晉收狩順時為田除害也

夏苗田運將徂軍國異容文武殊乃命羣吏選一作撰車
徒辨其號名讚契書王軍啓八門行同上帝居時路建
大麾雲旗翳紫虛百官象其事疾則疾徐則徐回衡旋
軫罷陳弊車獻禽享祠烝烝配有虞惟大晉德參兩儀
化雲敷

仲秋獮田

當遠期言大晉雖有文德不廢武事順時以殺伐也

仲秋獮田金德常剛一作綱涼風清且厲凝露結為霜白
藏一作虎司辰蒼隼時鷹揚鷹揚猶尚父順天以殺伐春
秋時序雷霆振威曜進退由鉦鼓致禽祀禘羽毛之用
克軍府赫赫大晉德芬烈陵三五敷化以文雖治一作安

不廢武光宅四海永享天之祜

順天道

當石留言仲冬大閱用武修文大晉之德配天也

順天道握神契三時示講武事冬大閱鳴鐃振鼓鐸旌旗象虹霓文制其中武不窮武動軍誓衆禮成而義舉三驅以崇仁進止不失其序兵卒練將如闞虎惟闞虎氣陵青雲解圍三面殺不殄羣偃旌麾班六軍獻享蒸修典文嘉大晉德配天祿報功爵侯賢饗燕樂受茲百祿嘉一作壽萬年

唐堯

當務成言聖皇陟帝位德化光四表也

唐堯諮務成謙謙德所興積漸終光大履霜致堅冰神

明道自然河海猶可凝舜禹統百揆元凱以次升禪讓應天曆睿聖世相承我皇陟帝位平衡正準繩德化飛四表祥氣見其徵興王坐俟旦亡主恬一作國主自矜致遠由近始覆篲成山陵披圖按先籍有其證靈液

玄雲

當玄雲言聖皇用人各盡其才也

玄雲起丘山

一作山嶽

祥氣萬里會龍飛何蜿蜿鳳翔何翾

翾昔在唐虞朝時見青雲際今親游萬

一作方

國流光溢

天外鶴鳴在後園清音隨風邁成湯隆顯命伊摯來如飛周文獵渭濱遂載呂望歸符合如影響先天天弗違輟耕綜時綱一作地綱解褐衿天維元功配二主芬馨世所

稀我皇敘羣才洪烈何巍巍桓桓征四表濟濟理萬機
神化感無方髦才盈帝畿丕顯惟昧旦日新孔所咨茂
哉明聖一作明德日月同光輝

伯益

當黃爵言赤鳥銜書有周以興今聖皇受命神雀來也

伯益佐舜禹職掌山與川德侔十六相思心入無閒智
理周萬物下知衆鳥言黃雀應清化翔集何翩翩和鳴
棲庭樹徘徊雲日間夏桀爲無道密網施山阿酷祝振
織網當奈黃雀何殷湯崇天德去其三百羅逍遙羣飛
來鳴聲乃復和朱雀作南宿鳳皇統羽羣赤鳥銜書至
天命瑞周文神雀今來遊爲我受命君嘉祥致天和膏

澤隆

一作降

青雲蘭風發芳氣闔世同其芬

釣竿

當釣竿言聖皇德配堯舜又有呂望之佐以濟天功致太平也

釣竿何冉冉甘餌芳且鮮臨川運思心微綸沈九淵太
公寶此術乃在靈祕篇機變隨物移精妙貫未然游魚
驚著釣潛龍飛戾天戾天安所至撫翼翔太清太清一
何異兩儀出渾成玉衡正三辰造化賦羣形退願輔聖
君與神合其靈我君弘遠畧天人不足并天人初并時
昧昧何芒芒日月有徵兆文象興三皇蚩尤亂生民黃
帝用兵征萬方逮夏禹而德衰三代不及虞與唐我皇
聖德配堯舜受禪卽祚享天祥率土蒙祐靡不肅庶事

康庶事康穆穆明明荷百禄保無極永泰平

晉凱歌 二首張華造

命將出征歌

重華隆帝道戎蠻或不賓徐夷興有周鬼方亦違殷今
在聖明世寇虐動四垠豺狼染牙爪羣生號穹旻元帥
統方夏出車撫涼秦衆貞必以律臧否實在人威信加
殊類疎逖思自親單醪豈有一作無味挾纊感至仁武功
尚止戈七德美安民遠跡由斯舉永世無風塵

勞還師歌

徽猷背天德構亂擾邦畿戎車震朔野羣帥贊皇威將

士齊心旅感義忘其私積勢如鞞弩赴節如發機
動山谷金光曜素暉揮戟一作戈陵勁敵武步蹈橫屍鯨
鯢皆授首北土永清夷昔往冒隆暑今來白雪霏征夫
信勤瘁自古詠采薇收榮於舍爵燕喜在凱歸

宋鼓吹饒歌 三首舊曲

上邪曲

大竭夜烏自云何來堂吾來聲烏奚姑悟姑尊盧聖子
黃尊來饑清嬰烏白日為隨來郭吾微令吾一解應龍夜
烏由道何來直子為烏奚如悟姑尊盧鷄子聽烏虎行
為來明吾微令吾二解詩則夜烏道祿何來黑洛道烏奚

悟如尊爾尊盧起黃華鳥伯遼為國日忠兩一作令吾

三解伯遼夜鳥若國何來日忠兩鳥奚如悟姑尊盧面道

康尊錄龍永鳥赫赫福祚夜音微令吾四解

晚芝曲

沈約言舊史云詁不可解疑是漢遠期曲也

幾令吾幾令諸韓亂發正令吾一解幾令吾諸韓從聽心

令吾若里洛何來韓微令吾二解尊盧忌盧文盧子路子

路為路鷄如文盧炯烏諸祚微令吾三解幾令諸韓或公

隨令吾四解幾令吾幾諸或言隨令吾黑洛何來諸韓微

令吾五解尊盧安成隨來免路路子為吾路奚如文盧炯

烏諸祚微令吾六解幾令吾幾諸或言隨令吾七解幾令吾

諸或言幾苦黑洛何來諸韓微令吾八解尊盧公泝隨來

免路子子路子為路奚姑文盧炯烏諸祚微令吾九解

艾如張曲

幾令吾呼歷舍居執來隨咄武子邪令烏銜鉞相風其

右其右一解幾令吾呼羣議破胡執來隨吾咄武子邪令

烏令烏今臚入海相風及後二解幾令吾呼無公赫吾執

來隨吾咄武子邪令烏無公赫吾媮立諸布始布三解

朱路篇

何承天下同

朱路揚和鸞翠蓋耀金華玄牡飾樊纓流旌拂飛霞雄

戟闢曠塗班劔翼高車三軍且莫喧聽我奏饒歌清鞞

驚短簫朗鼓節鳴笳人心惟愷豫茲音亮且和輕風起
紅塵淳澗發微波逸韻騰天路積響結城阿仁聲被八
表威震振九遐嗟嗟介冑士勗哉念皇家

思悲公篇

思悲公懷衮衣東國何悲公西歸公西歸流二叔幼主
既悟偃禾復偃禾復聖志申營都新邑從斯民從斯民
德惟明制禮作樂興頌聲興頌聲致嘉祥鳴鳳爰集萬
國康萬國康猶弗已握髮吐餐下羣士惟我君繼伊周
親覩盛世復何求

雍離篇

雍士多離心荆民懷怨情二凶不量德構難稱其兵王
人銜朝命正辭糾不庭上宰宣九伐萬里舉長旌樓船
掩江濱駟介飛重英歸德戒後夫賈勇尚先鳴逆徒既
不濟愚智亦相傾霜鋒未及染鄢郢忽已清西川無潛
鱗北渚有奔鯨凌威致天府一戰夷三城江漢被美化
宇宙歌太平惟我東郡民感是深推誠

戰城南篇

戰城南衝黃塵丹旌電燧鼓雷震勅敵猛戎馬殷橫陣
亘野若屯雲仗大順應三靈義之所感士忘生長劔擊
繁弱鳴飛鏑炫晃亂奔星虎騎躍華眊旋朱火延起騰

飛烟驍雄斬高旗
拳長角浮呌響清
天夷羣寇殪逆徒
餘黎霑惠詠來蘇
奏愷樂歸皇都班
爵獻俘邦國娛

巫山高篇

巫山高 三峽峻 青壁千尋深
谷萬仞 崇巖冠靈林 冥冥
山禽夜響 晨猿相和鳴
洪波迅復 載逝載停 悽悽
商旅之客 懷苦情 在昔陽
九皇 綱微李氏 竊命宣武
耀靈威 蠢爾逆縱 復踐亂
機 王旅薄伐 傳首來至
京師 古之爲國 惟德是
貴 力戰而虐民 鮮不顛
隳 矧乃叛戾 伊胡能
遂 咨爾巴子 無放肆

上陵者篇

上陵者相追攀 被服織麗 振綺紈 攜童幼 升崇巒
南望城闕鬱盤桓 王公第通衢 端高薨 華屋列朱軒
臨濬谷 掇秋蘭 士女悠奕 映隰原 指營丘 感牛山
爽鳩 旣沒景君歎 嗟歲聿逝 不還志 氣衰沮 玄鬢
斑 野莽宿墳土 乾顧此纍纍 中心酸 生必死 亦何
怨 取樂今日 展情歡

將進酒篇

將進酒 慶三朝 備繁禮 薦嘉肴 榮枯換 霜霧交
緩春帶 命朋僚 車等旗 馬齊鑣 懷温克 樂林濠
士矢志 愠情勞 思旨酒 寄遊遨 敗德人 甘醇醪
耽長夜 惑淫妖 興屢舞 厲哇謠 形傴僂 聲號呶
首旣濡 志亦荒 性命天 國家亡

嗟後生節酣觴匪酒辜孰爲殃

君馬篇

君馬麗且閑揚鑣騰逸姿駿足躡流景高步追輕飛冉冉六轡柔奕奕金華暉輕霄翼羽益長風靡淑旂願爲范氏驅雖容步中畿豈效詭遇子馳騁趨危機鉛陵策良駟造父爲之悲不怨吳坂峻但恨伯樂稀赦彼岐山盜實濟韓原師奈何漢魏王縱情營所私疲民甘藜藿廐馬患盈肥人畜智厥養蒼生將焉歸

芳樹篇

芳樹生北庭豐隆正徘徊翠穎陵冬秀紅葩迎春開佳人閑幽室惠心婉以諧蘭房掩綺幌綠草被長階日夕遊雲際歸禽命同棲皓月盈素景涼風拂中闈哀絃理虛堂要妙清且淒嘯歌流激楚傷此碩人懷梁塵集丹帷微颺揚羅袿豈怨嘉時暮徒惜良願垂

有所思篇

有所思思昔人曾閱二子善養親和顏色奉昏晨至誠烝烝通明神鄒孟軻爲齊卿稱身受祿不貪榮道不用獨擁楹三徙旣許禮義明飛鳥集猛獸附功成事畢乃更娶哀我生邁凶旻幼罹荼酷一作毒備艱辛慈顏絕見無因長懷永思託丘墳

雉子遊原澤篇

雉子遊原澤幼懷耿介心飲啄雖勤苦不願棲園林古
 有避世士抗志青霄岑浩然寄卜肆揮棹通川陰逍遙
 風塵外散髮撫鳴琴卿相非所盼何況於千金功名豈
 不美寵辱亦相尋冰炭結六府憂虞纏胸襟當世須大
 度量已不克任三復泉流誠自警良已深

上邪篇

上邪下難正衆枉不可矯音和響必清端景緣直表大
 化揚仁風齊人猶偃草聖王既已沒誰能弘至道開春
 湛柔露代終肅嚴霜承平貴孔孟政弊侯申商孝公明
 賞罰六世猶克昌李斯肆濫刑秦氏所以亡漢宣隆中
 興魏祖寧三方譬彼鍼與石效疾而一作稱良行葦非
 不厚悠悠何詎央琴瑟時未調改絃當更張矧乃治天
 下此要安可忘

臨高臺篇

臨高臺望天衢飄然輕舉凌太虛攜列子超帝鄉雲衣
 雨帶乘風翔蕭龍駕會瑤臺清暉浮景溢蓬萊濟西海
 濯洧盤佇立雲嶽結幽蘭馳迅風遊炎州願言桑梓思
 舊遊傾霄蓋靡電旌降彼天塗頽窈冥辭仙族歸人羣
 懷忠抱義奉明君任窮達隨所遭何爲遠想令心勞

遠期篇

遠期千里客肅駕候良辰近命城郭友具爾惟懿親高
門啓雙闈長筵列嘉賓中唐舞六佾三廂羅樂人簫管
激悲音羽毛揚華文金石響高宇絃歌動梁塵修標多
巧捷九劔亦入神遷善自雅調成化由清均主人垂隆
慶羣士樂亡身願我一作言聖明君邇期保萬春

石流篇

石上流水湔湔其波發源幽岫永歸長河瞻彼逝者歲
月其借子在川上惟以增懷嗟我殷憂載勞寤寐邁此
百罹有志不遂行年倏忽長勤是嬰永言沒世悼茲無

成幸遇開泰沐浴嘉運緩帶安寢亦又何愠古之爲仁
自求諸已虛情遙慕終於徒已

齊隨王鼓吹曲

十首永明八年謝朓奉鎮西隋王教於荊州道中作

元會曲

以下三曲頌帝功

二儀啓昌曆三陽

一作朝

應慶期珪贄紛成序鞮譯憬來

思分階葩組練克庭羅翠旗觴流白日下吹溢

一作景

雲滋天儀穆藻殿萬寓壽皇基

郊祀曲

六宗禋配

一作祀

岳五時奠甘泉整蹕遊九闕清簫開八

壘鏘鏘玉鑿動溶溶金障

一作陣

旋郊宮光已屬升柴禮

鼓吹曲辭 卷四 三十七

既虞福響靈一作雲之集南岳固斯年

鈞天曲

高宴顥天堂一作臺置酒迎風觀笙鏞禮百神鍾石動雲

漢瑤臺一作堂琴一作寶瑟驚綺席舞衣散威鳳來參差玄

鶴起一作至凌亂已慶明庭樂詎慙一作誰想南風彈

入朝曲以下三曲頌藩德

江南佳麗地金陵帝王州逶迤帶綠水迢遞起朱樓飛
薨夾馳道垂楊蔭御溝凝笳翼高蓋疊鼓送華輶獻納
雲臺表功名良可收

出藩曲

雲枝紫微內分組承明阿飛艤一作遊極浦旌節去關

河眇眇蒼山色沈沈寒一作遠水波鏡音巴渝曲簫鼓一作

管盛唐歌夫君邁一作遺惟德江漢仰清和

校獵曲

凝霜冬十月殺盛涼颼哀一作開原澤曠千里騰騎紛往

來平且望煙合烈火從風迴殪獸華容浦張樂荆山臺

虞人昔有諭明明時戒哉

從戎曲

選旅辭輶轅弭節赴一作趨河源日起霜戈照風迴連騎

翻紅塵朝夜合黃沙萬里昏寥戾清笳轉蕭條邊馬煩

鼓吹曲辭 卷四 三十八

自勉輟耕願征役去何言

送遠曲

北梁辭歡宴南浦送佳人方衢控龍馬平路騁朱輪瓊
筵妙舞絕桂席羽觴陳白雲丘陵遠山川時未因一為
清吹激潺湲傷別巾

登山曲

天明開秀嶽瀾光媚碧堤風盪飄一作翻鶯亂雲行一作華
芳樹低暮春春服美遊駕凌丹一作躡梯升嶠既小曾登
巒且悵齊王孫尚遊衍蕙草正萋萋

泛水曲

玉露一作霜霑翠葉金風鳴素枝罷遊平樂苑泛鷁昆明
池旌一作羽旗散容裔簫管吹參差日晚厭遵渚採菱贈
清漪百年如流水寸心寧共知

梁鼓吹曲

武帝使沈約製鼓吹新歌十二曲

木紀謝

當朱鷺言齊謝梁升也

木紀謝火運昌炳南陸耀炎光民去癸鼎歸采鮫魚出
慶雲翔輔五帝軼三王德無外化溥將仁蕩蕩義湯湯
浸金石達昊蒼橫四海被八荒舞干戚垂衣裳對天眷
坐巖廊胤有錫祚無疆風教遠禮容盛感人神宣舞詠
降繁祉延嘉慶

賢首山當思悲翁言武帝破魏軍於司部肇王迹也

賢首山險而峻乘峴憑臨胡陣騁奇謀一作奮卒徒斷

白馬塞飛狐殪日逐殲骨都刃谷蠡馘林胡草既潤原

亦塗輪無反幕有烏掃殘孽震戎逋揚凱奏展歡醜詠

杖杜旋京吳

桐柏山當艾如張言武帝牧司王業彌章也

桐柏山淮之首肇基帝迹遂光區有大震邊關殪獯醜

農既勸民惟阜穗克庭稼盈畝迨嘉辰慶芳糗納寒塲

為春酒昭景福介眉壽天斯長地斯久化無極功無朽

道亡當上之回言東昏喪道義師起樊鄧也

道亡數極歸永元悠悠兆庶盡含冤沔河莫極皆無安

赴海誰授矯龍翰自樊漢仙波流水清且瀾救此倒懸

拯塗炭誓師劉旅赫靈斷率茲八百驅十亂登我聖明

去一作由多難長夜杳冥忽云旦

忱威當擁離言破加湖元勳建也

忱威授律命蒼兕言薄加湖灌秋水迴瀾滌汨泥增雉

爭河投岸掬盈指犯刃嬰戈洞流矢資此威一作盛烈齊

文軌

漢東流當戰城南言義師克魯山城也

漢東流江之汭逆徒蜂聚旌旗紛蔽仰震威靈乘高騁

銳至仁解網窮鳥入懷因此龍躍言登泰階

鶴樓峻

當巫山高言平郢城兵威無敵也

鶴樓峻連翠微因巖設險池永歸昏亡齒懼薄言震耀
靈威凶衆稽顙天不能違金湯無所用功烈長巍巍

昏王恣淫慝

當上陵言東昏政亂武帝起義平九江姑熟大破朱雀伐罪弔民也

昏王恣淫慝皆曰自昌盛上仁矜億兆誓師為請命既
齊丹浦戰又符甲子辰龕難伐有罪伐罪弔斯民悠悠

億

一無億字

萬姓於此覩陽春

石首局

當將進酒言義師平京城仍廢昏定大事也

石首局北墉墮新堞嚴東壘峻共表裏遥相鎮矢未飛

鼓方振競銜壁並輿櫬酒池擾象廊震同伐謀兼善陳
闢應和掃煨燼剪庶惡靡餘胤

期運集

當有所思言武帝膺籙受禪德盛化遠也

期運集惟皇膺寶符龍躍清漢渚鳳起方

一作南

城隅謳

歌共適夏獄訟兩違朱二儀啓嘉祚千載猶旦暮舞蹈

流帝功金玉昭王度

於穆

當芳樹言大梁闡運君臣和樂休祚方遠也

於穆君臣君臣和以肅關王道定天保樂均靈囿宴同
在鎬前庭懸鼓鐘左右列笙鏞纓佩俯仰有則修
禮容翔振鷺騁羣龍隆周何足擬遠與唐比蹤

惟大梁

當上邪言梁德廣運仁化治也

惟大梁開運受錄膺一作應圖君八極冠帶被五都四海
並和會排闥欵塞無異塗

隋凱樂歌辭

三首並牛弘等造

述帝德

於穆我后睿哲欽明膺天之命載育羣生開元創曆邁
德垂聲朝宗萬寓祗事百靈煥乎皇道昭哉帝則惠政
滂流仁風四塞淮海未賓江湖背德運籌必勝濯征斯
克八荒霧卷四表雲褰雄圖盛畧邁後光前寰區已泰
福祚方延長歌凱樂天子萬年

述諸軍用命

帝德遠覃天維宏布功高雲天聲隆韶濩惟彼海隅未
從王度皇赫斯怒元戎啓路桓桓猛將赳赳英謨攻如
燎髮戰似摧枯救茲塗炭克彼妖道塵清兩越氣靜三
吳鯨鯢已夷封疆載闢班馬蕭蕭歸旌奕奕雲臺表效
司勲紀績業並山河道固金石

述天下太平

阪泉軒德丹浦堯勳始實以武終乃以文嘉樂聖主大
哉為君出師命將廓定重氛書軌既并干戈是戢弘風
設教政成人立禮樂聿興衣裳載緝風雲自美嘉祥爰

集皇皇聖政穆穆神猷牢籠虞夏度越姬劉日月比耀
天地同休永清四海長帝九州

雜擬

佳期竟不歸梁庾肩吾有所思云佳期竟不歸春物坐芳菲

陳張正見

良人蒿里向河源一作婦三秋思柳園路遠寄詩空
織錦宵長夢返欲驚魂飛蛾屢繞帷前燭衰草還侵階
上玉銜啼拂鏡不成粧促柱繁絃還亂曲時分一作移
移竟不歸偏憎寒急夜縫衣流螢映月明空帳疎葉從
風入斷機自對孤鸞向影絕終無一鴈帶書回

詩所第四卷終

詩所第五卷 樂府

橫吹曲辭

擬漢橫吹曲

橫吹曲亦謂鼓吹本胡曲也自漢已來北狄樂總歸鼓吹署其後分為二部有簫笳者為鼓吹用之朝會道路有鼓角者為橫吹用之軍中馬上有二十八解和帝時萬人將軍得奏之魏晉而後止存黃鸝吟等十三曲又關山月等八曲其辭並出塞一曲猶為古辭云
隴頭一曰隴頭水天水郡有大阪名隴坻亦曰隴山即漢隴關也其阪九迴上者七日乃越上有清水四注下所謂隴頭水也 陳後主

隴頭征戍客寒多不識春驚風起嘶馬苦霧雜飛塵投
錢積石水斂轡交河津四面夕水合萬里望佳人

隴頭水 一曰隴頭吟 梁元帝

銜悲別隴頭關路漫悠悠故鄉迷遠近征人分去留沙
飛曉成幕海氣且如樓欲識秦川處隴水向東流

前題

蕭子暉

天寒隴水急散漫俱分瀉北注徂黃龍東流會白馬

前題

劉孝威

從軍戍隴頭隴水帶沙流時觀胡騎飲常爲漢國羞
妻成兩劍殺子祀雙鉤頓取樓蘭頸就解郅支裘勿令
如李廣功多遂不酬

一作功遂不封侯

前題

車敷

隴頭征人別隴水流聲咽只爲識君恩甘心從苦節雪

凍弓弦斷風鼓旗竿折獨有孤雄劍龍泉字不滅

前題

陳後主

塞外飛蓬征隴頭流水鳴漠處揚沙暗波中燥葉輕地
風水易厚寒深溜轉清登山一回顧幽咽動邊情
高隴多悲風寒聲起夜叢禽飛暗識路鳥轉逐征蓬落
葉時驚沫移沙屢擁空回頭不見望流水玉門東

前題

徐陵

別塗聳千仞離川懸百丈攢荆夏不通積雪冬難上枝
交隴底暗石礙波

一作坡

前響迴首咸陽中唯言夢時往

前題

顧野王

隴底望秦川
迢遞隔風煙
蕭條落野樹
幽咽響流泉
瀚海波難息
交河水未堅
寧知蓋山水
逐節赴危絃

前題

謝燮

隴阪望咸陽
征人慘思腸
咽流喧斷岸
遊沫聚飛梁
鳧分斂水彩
虹飲照旗光
試聽鏡歌曲
唯吟君馬黃

前題

張正見

隴頭鳴四注
征人逐貳師
羌笛含流咽
胡笳襍水悲
湍高飛轉駛
澗淺蕩還遲
前旌去不見
上路杳無期
隴頭流水急
流急行難渡
遠入隗囂營
傍侵酒泉路
心交賜寶刀
小婦成統袴
欲知別家久
戎衣今已故

前題

江總

隴頭萬里外
天涯四面絕
人將蓬共轉
水與啼俱咽
驚湍自湧沸
古樹多摧折
傳聞博望侯
苦辛提漢節

霧暗山中日
風驚隴上秋
徒傷幽一作鳴咽響不見東西

流無期從此別
更度幾年幽
遙聞玉關道
望入杳悠悠

入關

梁吳均

羽檄起邊庭
烽火亂如螢
是時張博望
夜赴交河城
馬頭要落日
劔尾掣流星
君恩未得報
何論身命傾

前題

隋虞茂

隴雲低不散
黃河咽復流
關山多道里
相接幾一作萬重

愁

出塞

古辭

候騎出甘泉奔命入居延旗作浮雲影陣如明月弦

前題

梁劉峻

薊門秋氣清飛將出長城絕漠衝風急交河夜月明
陷敵撻金鼓摧鋒揚旆去去無終極日暮動邊聲

前題

一作塞下曲

周王褒

飛蓬似征客千里自長驅塞禽唯有鴈關樹但生榆背
山看故壘繫馬識餘蒲還因麾下騎來送月支圖

前題

二一首

隋楊素

漠南胡未空漢將復臨戎飛狐出塞北碣石指遼東冠
軍臨瀚海長平翼大風雲橫虎落陣氣抱龍城虹橫行
萬里外胡運百年窮兵寢星芒落戰解月輪空嚴鏹息
夜斗駢角罷鳴弓北風嘶朔馬胡霜切塞鴻休明大道
暨幽荒日用一作照同方就長安邸來謁建章宮

漢虜未和親憂國不憂身握手河梁上窮涯北海濱據
鞍獨懷古慷慨感良臣歷覽多舊迹風日慘愁人荒塞
空千里孤城絕四隣樹寒偏易古草衰恒不春交河明
月夜陰山苦霧辰鴈飛南入漢水流西咽秦風霜久行
役河朔備艱辛薄暮邊聲起空飛胡騎塵

前題 二首

薛道衡

高秋白露團上將出長安塵沙塞下暗風月隴頭寒轉
蓬隨馬足飛霜落劍端凝雲迷代郡流水凍桑乾烽微
枯棹遠橋峻轆轤難從軍多惡少召募盡材官伏堤時
臥鼓疑兵乍解鞍柳一作龍城擒冒頓長坂納呼韓受降
今更築燕然已重刊還嗤傅介子辛苦刺樓蘭

邊庭烽火驚插羽夜徵兵少昊騰金氣文昌動將星長
驅鞬汗北直指夫人城絕漠三秋暮窮陰萬里生寒夜
哀笳曲霜天斷鴈聲連旗下鹿塞疊鼓向龍庭妖雲墜
虜陣暈月遶胡營左賢皆頓顙單于已繫纓緲馬登玄

關鈎鯤臨北溟當知霍驃騎高第起西京

前題 二首

虞世基

窮秋塞草腓塞外胡塵飛徵兵廣武至候騎陰山歸廟
堂千里策將軍百戰威轅門臨玉帳大旆指金微摧朽
無勅敵應變有先機銜枚壓曉陣卷甲解朝一作掩宵圍瀚
海波瀾靜王庭氛霧晞鼓鼙嚴朔氣原野曠寒暉勲庸
震邊服歌吹入京畿待拜長平坂鳴騶入禮闈

上將三略遠元戎九命尊緬懷古人節思酬明主恩山
西多勇氣塞北有遊竟揚桴度一作隴坂勒騎上
平原誓將絕沙漠悠然去玉門輕齋不遑舍驚束驚戎

軒慄慄邊風急蕭蕭征馬煩雪暗天山道水塞交河源
霧烽黯無色霜旗凍不翻耿介倚長劔日落風塵昏

入塞

周王褒

戍久風塵色勲多意氣豪建章樓閣迴長安陵樹高度
冰傷馬骨經寒墜節旄行當見天子無假用錢刀

前題

隋何妥

桃林千里險候騎亂紛紛問此將何事嫖姚封冠軍回
旌引流電歸蓋轉行雲待任蒼龍傑方一作當論次勲

折楊柳

一作柳憚

梁簡文帝

楊柳亂成絲攀折上春時葉密鳥飛礙風輕花落遲城

高短簫發林空畫角悲曲中無別一作無意併是爲相思

前題

元帝

巫山一作山高巫峽長垂柳復垂楊同心且同折故人懷故

鄉山似蓮花豔流如明月光寒夜猿聲徹遊子淚霑裳

前題

劉邈

高樓十載別楊柳擢絲枝摘葉驚開駛攀條恨久離年
年阻音息一作信月月減容儀春來誰不望相思君自知

前題

陳後主

楊柳動春情倡園妾屢驚入樓含粉色依風雜管聲武
昌識新種官渡有殘生還將出塞曲仍共一作胡笳鳴

黃次由碎

卷五

六

長條黃復綠垂絲密且繁花落幽人徑步隱將軍屯谷
暗宵鉦響風高夜笛喧聊持暫攀折空足一作憶中園

前題

岑之敬

將軍始見知細柳繞營垂懸絲拂城轉飛絮上官吹塞
門交度葉谷口暗橫枝曲成攀折處唯言怨別離

前題

徐陵

嫋嫋河堤樹依依魏主營江陵有舊曲洛下作新聲妾
對長楊苑君登高柳城春還應共見蕩子太無情

前題

張正見

楊柳半垂空裊裊上春中枝疎董澤箭葉碎楚臣弓色

映長河水花飛高樹風莫言限宮掖不閉長楊宮

前題

王瑾

塞外無春色上林柳已黃枝影侵雲一作營暗葉彩亂星
光陌頭藏戲鳥樓上掩新妝攀折思為贈心期別路長

前題

江總

萬里音塵絕千條楊柳結不悟倡園花遙同羌一作嶺
雪春心自浩蕩春樹聊攀折共此依依情無奈年年別

關山月

一日傷別離

梁元帝

朝望清波道夜上白登臺月中含桂樹流影自徘徊寒
沙逐風起春花犯雪開夜長無與晤衣單誰為裁

前題 二首

陳後主

秋月上中天迥

迥一作

照關城前暈缺隨灰滅光滿應珠

圓帶樹還添桂銜峰乍似弦復教征戍客長怨久連翩

戍邊歲月久恒悲望舒耀城遙接暈高澗風連影搖寒

光帶岫徙冷色含山峭看時使人憶為似嬌娥照

前題

陸瓊

邊城與明月俱在關山頭焚烽望別壘擊斗宿危樓團

團婕妤扇纖纖秦女鈞鄉園誰共此愁人屢益愁

前題

張正見

巖間度月華流彩映山斜暈逐連城壁輪隨出塞車唐

莫遙合影秦桂遠分花欲驗盈虛理

一作

方知道路賒

前題

一首

徐陵

關山三五月客子憶秦川思婦高樓上當牕應未眠星

旗映疎勒雲陣上祁連戰氣今如此從軍復幾年

月出柳城東微雲掩復通蒼茫縈白暈蕭瑟帶長風羌

兵燒上郡胡騎獵雲中將軍擁節起戰士夜鳴弓

前題

賀力牧

重關斂暮煙明月下秋前照石疑分鏡臨弓似引弦霧

暗迷旗影霜濃濕劔蓮此處離鄉客遙心萬里懸

前題

阮卓

關山陵漢開霜月正徘徊映林如壁碎侵塞似輪摧楚
師隨晦盡胡兵逐暖來寒笳將夜鵲相亂晚聲哀

前題

江總

兔月半輪明孤關一路平無期從此別復欲幾年行暎
光書漢奏分影照胡兵流落今如此長戍受降城

前題

周王褒

關山夜月明秋色照孤城影虧一作半形同漢陣輪滿一作全影
逐胡兵天寒光轉白風多暈欲生寄言亭上吏遊客解
鷄鳴

洛陽道

梁簡文帝

洛陽佳麗所大道滿春光遊童一作持挾彈蠶妾始提

筐金鞍照龍馬羅袂拂春桑玉車爭晚入潘果溢高箱

前題

元帝

洛陽開大道城北達城西青槐隨幔拂綠柳逐風低玉
珂鳴戰馬金爪鬪塲鷄桑萎日行暮多逢秦氏妻

前題

沈約

洛陽大道中佳麗實無比燕裙傍日開趙帶隨風靡領
上蒲萄繡腰中合歡綺佳人殊未來薄暮空徙倚

前題

庾肩吾

微道臨河曲層城傍洛川金門纔出柳桐井半含泉日

起杲恩外車迴雙闕前潘生時未返遙心徒眷然

前題

車轂

洛陽道八達洛陽城九重重關如隱起雙闕似芙蓉王
孫重行樂公子好遊從別有領人處佳麗夜相逢

前題

陳後主

誼譁照邑里遨遊出洛京霜枝嫩柳發水塹薄苔生停
鞭回去影駐軸敞前甍臺上經相識城下屢逢迎踟躕
還借問只重未知名

日光朝杲杲照耀東京道霧帶城樓開啼侵曙色早佳
麗嬌南陌香氣含風好自憐釵上纓不歎河邊草

建都開洛汭中地乃城陽縱橫肆八達左右闕康莊銅

溝飛柳絮金谷落花光恣情伊水側稅駕河橋傍

百尺瞰金埒九衢通玉堂柳花塵裏暗槐色露中光游

俠幽并客當壚京兆粧向夕風煙晚金羈滿洛陽

青槐夾馳道御水映銅溝遠望凌霄闕遙看井榦樓黃

金彈俠少朱輪盛徹侯桃花雜渡馬紛披聚陌頭

前題

徐陵

綠柳三春暗紅塵百戲多東門向金馬南陌接銅駝華
軒翼葆吹飛蓋響鳴珂潘郎車欲滿無奈擲花何
洛陽馳道上春日起塵埃濯龍望如霧一作水河橋渡似

雷聞珂知馬蹀傍憶見薨開相看不得語密意眼中來

前題 岑之敬

喧喧洛水濱鬱鬱小平津路傍桃李節陌上採桑春聚
車看衛玠連手望安仁復有能留客莫愁嬌態新

前題 陳暄

洛陽九達一作衢上羅綺四時春路傍避驄馬車中看玉
人鎮西歌艷曲臨淄逢麗神欲知雙壁價潘夏正連茵

前題 王瑳

洛陽夜漏盡九重平旦開日照蒼龍闕烟遶鳳皇臺浮
雲翻似蓋流水倒成雷曹王鬪雞返潘仁載果來

前題 張正見

曾城啓日扉上洛滿春暉柳影綠溝合槐花夾岸飛蘇
合彈珠一作珠罷黃間一作黃真一作真身一作身歸一作歸系一作系尾一作尾暮一作暮不一作不息一作息相一作相看一作看連一作連綺一作綺稀


前題 江總

德陽穿洛水伊闕邈河橋仙舟李膺棹小馬王戎鑣杏
堂歌吹合槐路風塵饒綠珠含淚舞孫秀彊相邀

小平路一作臨四達長楸聽五鐘玉節迎司隸錦車歸濯
龍弦歌聲不息環珮響相從花障蕩舟笑日映下山逢

長安道 梁簡文帝

神臯開隴右陸海實西秦金槌一作推輪抵長樂複道向宜



春落花依度，幺垂柳拂行輪。一作人金張及許史，夜夜尚留賓。

前題

元帝

西接長楸道，南望小平津。飛薨臨綺翼，輕軒影畫輪。雕鞍承赭汗，槐路起紅塵。燕姬雜趙女，淹留重上春。

前題

庾肩吾

桂宮連一作延複道，黃山開廣路。遠聽平陵鐘，遙識新豐對。合殿生光彩，離宮起煙霧。日落歌吹還，一作同塵飛車馬度。

前題

陳後主

建章通未央，長樂屬明光。大道移甲第，甲第玉為堂。遊蕩新豐裏，戲馬渭橋傍。當壚晚留客，夜夜苦紅粧。

前題

顧野王

鳳樓臨廣路，仙掌入烟霞。章臺京兆馬，逸陌富平車。東門疎廣餞，北闕董賢家。渭橋縱觀罷，安能訪狹斜。

前題

阮卓

長安馳道上，鐘鳴宮寺開。殘雲銷鳳闕，宿霧斂章臺。騎轉金吾度，車鳴丞相來。藹藹東都晚，羣公駟御回。

前題

蕭賁

前登灞陵道，還瞻渭水流。城形類北斗，橋勢似牽牛。飛

軒駕良駟寶劍雜輕裘經過狹斜里

一作裏

日暮與

一作且

淹留

前題

徐陵

輦道乘雙闕豪雄被五都橫橋象天漢法駕應坤圖韓康賣良藥董偃鬻明珠喧喧擁車騎非但執金吾

前題

陳暄

長安開繡陌三條向綺門張敞車單馬韓嫣乘副軒寵深來借殿功多競置

一作買

園將軍夜夜返弦歌著曙喧

前題

江總

翠蓋承輕霧金羈照落暉五侯新拜罷七貴早朝歸轟轟紫陌上藹藹紅塵飛日暮延平客風花拂舞衣

前題

周王褒

槐衢回北第馳道度西宮樹陰連袖色塵影雜衣風採桑逢五馬停車對兩童喧喧許史座鐘鳴賓未窮

前題

隋何妥

長安狹斜路縱橫四達分車輪鳴鳳轄箭服耀魚文五陵多任俠輕騎自連羣少年皆重氣誰識故將軍

梅花落

宋鮑照

中庭雜樹多偏為梅咨嗟問君何獨然念其霜中能作花露中能作實搖蕩春風媚春日念爾零落逐寒風

一作

風徒有霜華無霜質

前題

梁吳均

終冬十二月寒風西北吹獨有梅花落飄蕩不依枝流連逐霜彩散漫下水澌何當與春日共映芙蓉池

前題

陳後主

春一作金砌落芳梅飄零上鳳臺拂妝疑粉散逐溜似萍

開映日花光動迎風香氣來佳人早插髻試立且徘徊楊柳春樓邊車馬飛風煙連娉烏孫伎屬客單于氈鴈聲不見書蠶絲欲斷弦欲持塞上蔬試立將軍前

前題

徐陵

對戶一株梅新花落故栽燕拾還蓮并風吹上鏡臺媚

家怨

一作愁

思妾樓上獨裴徊啼看竹葉錦簪罷未能一作

成裁

前題

蘇子卿

中庭一樹梅寒多葉未開祇言花是一作似雪不悟有香來上郡春恒晚高樓年易催織書偏有意教逐錦文回

前題

張正見

芳樹映雪

一作雲

野發早覺寒侵落遠香風急飛多花遲

深周人歎初標魏帝指前林邊城少灌木折此自悲吟

前題

三首末首一作徐陵

江總

縹色動風香羅生枝已長妖姬墜馬髻未插江南璫轉
袖花紛落春衣共有芳羞作秋胡婦獨採城南桑
胡地少春來三年驚落梅偏疑粉蝶散乍似雪花開可
憐香氣歇可惜風相摧金鏡且莫韻玉笛幸裴徊
臘月正月早驚春衆花未發梅花新可憐芬芳臨玉臺
朝攀晚折還復開長安少年多輕薄兩兩共一作常唱梅
花落滿酌金卮催玉柱落梅樹下宜歌舞金谷萬株連
綺甍梅花密處藏嬌鸞桃李佳人欲相照摘葉一作藥牽
花來並笑楊柳條青樓上輕梅花色白雪中明橫笛短
蕭淒復切誰知柏梁聲不絕

紫騮馬

梁簡文帝

賤妾朝下機正值

一作遇

良人歸青絲懸玉鐙朱汗染香

衣驟急珂彌響踣多塵亂飛彫菰幸可薦故心君

一作人心

莫違

前題

元帝

長安美少年金絡鐵連錢宛轉青絲鞵照耀珊瑚鞭依
槐復依柳蹠蹠復隨前方逐幽并去西北共聯翩

前題

二首

陳後主

嫋姚紫塞歸蹠蹠紅塵飛玉珂鳴廣路金絡耀晨輝益
轉時移影香動屢驚衣禁門猶未閉連騎恣相追

一作莫相

蹀躞紫騮馬照耀白銀鞍直去黃龍外斜趨玄菟端垂
韃還細柳揚塵歸上蘭紅臉桃花色客別重羞看

前題

李燮

紫燕忽踟躕紅塵起路隅圍人移首宿騎士逐薜蘿三
邊追點虜一鼓定疆胡安用珂為玉自有汗成珠

前題

徐陵

玉鐙繡纏鬃金鞍錦覆幪風驚塵未起草淺埒猶空角
弓連一作穿兩兔珠彈落雙鴻日斜馳逐罷連翩還上東

前題

張正見

將軍入大宛善馬出從戎 絕乾河上聲流水窟中似

鹿猶依草如龍欲向空須還十萬里試為一追風

前題

陳暄

天馬汗如紅鳴鞭度九巖飲傷城下凍嘶依北地風笳
寒芳樹歇笛怨柳枝空橫行意未已羞住轂車中

前題

一作蘇子卿

祖孫登

候騎指樓蘭長城迴一作迴路難嘶從風處斷骨住水中
寒飛塵暗金勒落淚灑銀鞍抽鞭上關路誰念客衣單

前題

獨孤嗣宗

倡樓望早春寶馬度城闐照曜桃花逕蹀躞採桑津金

羈麗初景玉勒染輕塵遠聽珂驚急猶一作是是畫眉人

前題

江總

春草正萋萋蕩婦出空閨識是東方騎猶帶北風嘶揚
鞭向柳市細蹠上金堤願君憐織素殘妝尚有啼

驄馬

一曰驄馬驅

梁車敕

驄馬鏤金鞍柘彈落金丸意欲驂驪走先作野遊盤平
明發下蔡日中過上蘭路遠行須疾非是畏人看

前題

劉孝威

十五官一作宦期門二十屯邊徼犀羈玉鏤鞍寶刀金錯
鞘一隨驄馬驅分受青蠅帛且令都護知願被將軍照

誓使羶衣鄉掃地無遺噍

前題

隋庾抱

櫪上浮雲驄本出吳門中發跡來東道長鳴起北風迴
鞍拂柱白赭汗類塵紅滅沒徒留影無因圖漢宮

前題

王由禮

善馬金羈飾躡影復凌空影入長城水聲隨胡地風鞞
斂青門外珂喧紫陌中行行苦不倦唯當御史驄

驄馬驅

梁元帝

朔方寒氣重胡關饒苦霧白雪晝凝山黃雲宿埋樹連
翩行役子終朝征馬驅試上金微山還看玉關路

前題

劉孝威

翩翩驄馬驅橫行復斜趨先救遼城危後拂燕山霧風
傷易水涓日入隴西樹未得報君恩聯翩終不住

前題

陳徐陵

白馬號龍駒彫鞍名鏤渠一作備諸兄二千石小婦字羅

敷倚端輕掃史一作吏召募擊休屠塞外多風雪城中絕

詔書空憶長楸下連蹠復連跣

前題

江總

長城兵氣寒飲馬詎為難暫解青絲轡行歌鏤衢鞍白
登圍轉急黃河凍不乾萬里朝飛電論一作走丸

雨雪曲

一日雨雪

陳後主

長城飛雪下邊關地籟吟濛濛九天暗霏霏千里深樹
滄月恒少幽霧日偏沈况聽南歸鴈切思胡笳音

前題

一作王筠

江暉

邊城風雪至遊子自心悲風哀笳弄斷雪暗馬行遲輕
生本為國重氣不關私恐君猶不信撫劔一揚眉

前題

張正見

胡關辛苦地雪路遠漫漫含冰踏馬足襍雨凍旗竿沙
漠飛恒暗天山積轉寒無因辭日逐團扇掩齊紈

前題

江總

雨雪隔榆溪從軍度隴西遶障一作陣看狐迹依山見馬蹄天寒旗彩壞地暗鼓聲低漫漫愁雲起蒼蒼別路迷

前題

陳暄

都尉出祁連雨雪滿雞田雕陵持抵鵲屬國用和羶冰合軍應渡樓寒烽未然花迷差未著疎勒復經年

前題

謝燮

朔邊昔離別寒風復淒切峩峩六尺冰飄飄千里雪未塞袁安戶行封蘇武節應隨隴水流幾過空一作鳴咽

劉生

劉生不知何代人或云抱劍專征為符節官

梁元帝

任俠有劉生然諾重西京扶風好驚坐長安恒借名榴

花聊夜飲竹葉解朝醒結交李都尉遨遊佳麗城

前題

一作結客少年行

吳均

結客少年歸翩翩駿馬肥報恩殺人竟賢君賜錦衣握蘭登建禮拖玉入含暉顧看草玄者功名終自微

前題

陳後主

遊俠長安中置驛過新豐擊鐘蒲壁磬鳴弦楊一作柳葉弓孟公正驚客朱家始賣僮羞作荆卿笑捧劍出遼東

前題

張正見

劉生絕名價豪俠恣遊陪金門四姓聚繡轂一作簫鼓五香一作來塵飛瑪瑙勒酒映碑礫杯別有追遊夜秋牕向

月開

前題

江暉

五陵多美選六郡盡良家劉生代豪蕩標舉獨榮華寶
劍長三尺金樽滿百花唯當重意氣何處有驕奢

前題

徐陵

劉生殊倜儻任俠遍京華戚里驚鳴筑平陽吹怨笳俗
儒排左氏新室忌漢家高才被擯壓自古共憐嗟

前題

江總

劉生負意氣長嘯且裴徊高一作辯論明秋水命賞陟春
臺干戈倜儻用筆硯縱橫才置驛無年限遊俠四方來

前題

隋柳莊

座驚稱字孟豪雄道姓劉廣陌通朱邸大路起青樓要
賢驛已置留賓轄且一作仍投光斜日下霧庭陰月上鈎

前題

弘執恭

英名振關右雄氣逸江東遊俠五都內去來三秦中劍
照七星影馬控千金驄縱橫方未息因茲定武功

梁鼓角橫吹曲

梁鼓角橫吹有企喻等歌三十六曲是時樂府胡吹舊曲有淳于王等十

四曲又有隔谷等歌二十七曲凡七十七曲其五十六曲並亡自隋已後始以橫吹用之鹵簿與鼓吹列為四部總謂之鼓吹並以供大駕及皇太子王公等一曰柁鼓部其樂器有柁鼓金鉦大鼓小鼓長鳴角吹鳴角大角七種大鼓十五曲小鼓九曲大角七曲二曰鏡鼓部其樂器有歌鼓簫箏四

種凡十二曲三曰大橫吹部其樂器有角節鼓笛
簫箏篳篥桃皮箏篳七種凡二十九曲四曰小橫
吹部其樂器有角笛簫箏篳篥桃皮箏篳六種凡
十二曲

企喻歌辭 四曲

男兒欲作健結伴不須多鶴子經天飛羣雀兩向波其一

放馬大澤中草好馬著臙牌子鐵襠襠鈺鉞鶴尾條其二

前行看後行齊著鐵襠襠前頭看後頭齊著鐵鈺鉞其三

男兒可憐蟲出門懷死憂尸喪狹谷中白骨無人收其四

或云此下有頭毛墮落鬼飛揚百草頭二句又符融詩
云男兒可憐蟲出門懷死憂深山解谷口把谷無人收
與此小異

瑯琊王歌辭 八曲

新買五尺刀懸著中梁柱一日三摩娑劇於十五女其一

瑯琊復瑯琊瑯琊大道王陽春二三月單衫繡襠襠其二

東山看西水水流盤石間公死姥更嫁孤兒甚可憐其三

瑯琊復瑯琊瑯琊大道王鹿鳴思長草愁人思故鄉其四

長安十二門光門最妍雅渭水從壘來浮游渭橋下其五

瑯琊復瑯琊女郎大道王孟陽三四月移鋪逐陰涼其六

或云下有盛冬十一
月就女覓凍漿二句客行依主人願得主人彊猛虎依其七

深山願得松柏長其七憎馬高纏鬃遙知身自一作龍誰

能騎此馬唯有廣平公其八

鉅鹿公主歌辭 三曲

官家出遊雷大鼓細乘犢車開後戶其一車前女子年十

五手彈琵琶玉節舞其二鉅鹿公主殷照女皇帝陛下萬

幾主其三

紫騮馬歌辭

六曲十五從軍征以下本古詩

燒火燒野田野鴨飛上天童男娶寡婦壯女笑殺人其一

高高山頭樹風吹葉落去一去數千里何當還故處其二

十五從軍征八十始得歸道逢鄉里人家中有阿誰其三

遙看是君家松柏冢纍纍免從狗竇入雉從梁上飛其四

中庭生旅穀井上生旅葵春穀持作飴採葵持作羹其五

羹飴一時熟不知飴阿誰出門東向看淚落沾我衣其六

紫騮馬歌

獨柯不成樹獨樹不成林念郎錦襦襜恒長不忘心

黃淡思歌辭

四曲

歸歸黃淡思逐郎還去來歸歸黃淡百逐郎何處索其一

心中不能言腹作車輪旋與郎相知時但恐傷人聞其二

江外何鬱拂龍洲廣州出象牙作帆檣綠絲作幃緯其三

綠絲何歲蕤逐郎歸去來其四

地驅樂歌辭

四曲

青青黃黃雀石頽唐槌殺野牛押殺野羊其一驅羊入谷

自羊在前老女不嫁蹋地喚天其二側側力力念君無極

枕郎左臂隨郎轉側其三摩捋郎鬚看郎顏色郎不念女

不可與一作各力 其四

地驅樂歌

月明光光星欲墮欲來不來早語我

雀勞利歌辭

雨雪霏霏雀勞利長背飽滿短背饑

慕容垂歌辭三曲

慕容攀墻視吳軍無邊岸我身分自當枉殺墻外漢其一

慕容愁憤憤燒香作佛會願作墻裏燕高飛出墻外其二

慕容出墻望吳軍無邊岸我臣諸佐此事可惋歎其三

隴頭流水歌辭三曲

隴頭流水流離西下念我一身飄然曠野其一西上隴阪

羊腸九回山高谷深不覺脚酸其二手攀弱枝足踰弱泥

其三

隴頭歌辭三曲

隴頭流水流離山下念吾一身飄然曠野其一朝發欣城

暮宿隴頭寒不能語舌卷入喉其二隴頭流水鳴聲幽咽

遙望秦川心一作腸斷絕其三

隔谷歌二曲

兄在城中弟在外弓無弦箭無括食糧乏盡若為活救

我來救我來其一兄爲俘虜受困辱骨露力疲食不足弟
爲官吏馬食粟何惜錢刀來我贖其二

淳于王歌二曲

蕭蕭河中育育熟須含黃獨坐空房中思我百媚郎其一
百媚在城中千媚在中央但使心相念高城何所妨其二

東平劉生歌

東平劉生安東子樹木稀屋裏無人看阿誰

捉搦歌四曲

粟穀難舂付石曰弊衣難護付巧婦男兒千凶飽人手
老女不嫁只生口其一誰家女子能行步反著袂禪後裙

露天生男女共一處願得兩箇成翁媪其二華陰山頭百

丈井下有流水徹骨冷可憐女子能照影不見其餘見

斜領其三黃桑柘屐蒲子履中央有絲一作兩頭繫小時

憐母大憐婿何不早嫁論家計其四

折楊柳歌辭五曲

上馬不捉鞭反折楊柳枝蹀座吹長笛愁殺行客兒其一

腹中愁不樂願作郎馬鞭出入擐郎臂蹀座郎膝邊其二

放馬兩泉澤忘不著連羈擔鞍逐馬走何見得馬騎其三

遙看孟津河楊柳鬱婆娑我是虜家兒不解漢兒歌其四

健兒須快馬快馬須健兒蹀跖黃塵下然後別雄雌其五

折楊柳枝歌

四曲

上馬不捉鞭反拘楊柳枝下馬吹長笛愁殺行客兒其一
 門前一株棗歲歲不知老阿婆不嫁女那得孫兒抱其二
 救救何力力女子臨窻織不聞機杼聲唯聞女歎息其三
 問女何所思問女何所憶阿婆許嫁女今年無消息其四

幽州馬客吟歌辭

五曲

快馬常苦瘦勤兒常苦貧黃禾起羸馬有錢始作人其一
 熒熒帳中燭燭滅不久停盛時不作樂春花不重生其二
 南山自言高只與北山齊女兒自言好故入郎君懷其三
 郎著紫袴褶女著彩袂裙男女共燕遊黃花生後園其四

黃花鬱金色綠蛇銜珠丹辭謝牀上女還我十指環其五

慕容家自魯企由谷歌

郎在十一作千重樓女在九重閣郎非黃鶴子那得雲中

雀

高陽樂人歌

二曲

可憐白鼻騮相將入酒家無錢但共飲畫地作交賒其一
 何處碟觴來兩頰色如火自有桃花容莫言人勸我其二

雍臺

梁武帝作

日落登雍臺佳人殊未來綺窻蓮花掩網戶琉璃開葦
 茸臨紫桂蔓延交青苔月沒光陰盡望子獨悠哉

前題

吳均作

雍臺十二樓樓樓鬱相望隴西飛狐口白日盡無光

雜擬

白鼻騮

高陽樂人歌云可憐白鼻騮

北魏溫子昇

少年多好事攬轡向西都相逢狹斜路駐馬詣當壚

橫吹曲

陳江總

簫聲鳳臺曲洞吹龍鍾管鏗鎔漁陽慘怨抑胡笳斷

附錄

木蘭詩

亡名氏

唧唧復

一作促織何

唧唧木蘭當戶織不聞機杼聲唯聞女

歎息問女何所思問女何所憶女亦無所思

憶昨夜見軍帖可汗大點兵軍書十二卷卷卷有爺名

阿爺無大兒木蘭無長兄願為市鞍馬從此替爺征東

市買駿馬西市買鞍韉南市買轡頭北市買長鞭朝

旦辭爺孃去暮宿黃河邊不聞爺孃喚女聲但聞黃河

流水鳴濺濺旦辭黃河去暮至

黑山頭不聞爺孃喚女聲但聞燕山胡騎聲

啾啾萬里赴戎機關山度若飛朔氣傳金柝寒光照鐵衣將軍百戰死壯士十

年歸歸來見天子天子坐明堂策勳十二轉賞賜

百千彊可汗問所欲木蘭不用尚書郎

願馳千里足

一作願借明駝千里足

送兒還故鄉爺孃聞女來出

郭相扶將阿姊聞妹來

一作阿妹聞姊來

當戶理紅妝小第聞

姊來磨刀霍霍向豬羊開我東閣門坐我西間牀脫我

戰時袍著我舊時裳當窻理雲鬢對

一作鏡帖花黃出

門看火伴火伴始

一作驚惶

同行十二年不知木

蘭是女郎雄兔脚撲朔

一作握

雌兔眼迷

一作彌

離兩

一作覆

兔傍地走安能辨我是雄雌

前題

亡名氏


木蘭抱杼嗟借問復為誰欲聞所憾憾感激疆其顏老
父隸兵籍氣力日衰耗豈足萬里行有子復尚少胡沙

沒馬足朔風裂人膚老父舊羸病何以疆自扶木蘭代
父去秣馬備戎行易却紈綺裳洗却鉛粉妝馳馬赴軍
幕慷慨攜干將朝屯雪山下暮宿青海傍夜襲月支虜
更攜于闐免將軍得勝歸士卒還故鄉父母見木蘭喜
極成悲傷木蘭能承父母顏却卸巾鞬理絃簧昔為烈
士雄今復嬌子容親戚持酒賀父母始知生女與男同
門前舊軍都十年共崎嶇本結兄弟交死戰誓不渝今
也見木蘭言聲雖是顏貌殊驚愕不敢前歎重徒躊吁
世有臣子心能如木蘭節忠孝兩不渝千古之名焉可
滅

橫吹曲辭

卷五

二十七



父去赫黑爾天行是法錄錄業我法能併如與
或思只隱風樂人聞朱父書蕭詠何以觀自赫亦

[The left page of the manuscript is mostly blank, showing signs of age and damage, with some faint, illegible markings.]

